

Молитва первая святителю Савве Сербскому

О, священная главо, преславный чудотворче, святителю Христов Савво, Сербския земли первопрестольниче, хранителю и просветителю, всех же христиан благонадежный пред Господом представителю! Тебе припадаем и молимся: даждь нам быти причастником любви твоея к Богу и ближнему, ею же при жизни святая душа твоя преисполнена бысть. Озари нас истиною, просвети ум и сердце наше светом Божественного учения, научи нас тебе подражати верно, Бога и ближняго нашего любить и заповеди Господни совершати непогрешительно, да будем и мы чада твоя, не по имени токмо, но всем житием нашим. Молися, святой архиерею, о святей Православней Церкви и отечестве твоём земном, присно ты любовью чтуем. Призри благоутробно на всяку душу верных твоих читателей, милости и помощи твоея ищущих, буди всем нам в болезнях целитель, в скорбех утешитель, в печалех посетитель, в бедах и нуждах помощник, в час же смертный милостивый покровитель и защититель, да помощью молитв твоих святых, сподобимся и мы грешнии спасение верное получитьи и Царствие Христово унаследовати. Ей, святче Божий, не посрами упования нашего, еже на тя крепко возлагаем, но яви нам твое многомощное заступление, да славим и поём дивнаго во святых Своих Бога Отца и Сына и Святаго Духа, всегда, ныне и присно и во веки веков. Аминь.